

Generalna skupština UN-a osudila Siriju

16 februar 2012 Izmijenjeno 23:17 CET

Odobrena neobavezujuća rezolucija kojom se osuđuju kršenja ljudskih prava u Siriji i zahtijeva okončanje nasilja



137 zemalja podržalo rezoluciju Arapske lige [EPA]

Generalna skupština UN odobrila je rezoluciju Arapske lige kojom se sirijski predsjednik Bashar al-Assad poziva da podnese ostavku i snažno osuđuju kršenja ljudskih prava od strane njegova režima, javlja AP. Od 193 članova ovog tijela rezoluciju je podržalo 137, 12 je bilo protiv, a 17 suzdržanih. Rusija i Kina, koje su u Vijeću sigurnosti uložile veto na sličnu rezoluciju, glasale su protiv i ove rezolucije.

U Generalnoj skupštini UN-a ne postoji veto, i, budući da njezini zaključci nisu pravno obavezujući, oni ne odražavaju svjetsko mišljenje o glavnim pitanjima.

Predlagači su se nadali velikoj podršci, kako bi se uputila snažna poruka predsjedniku Sirije Basharu al-Assadu da prekine s kršenjem ljudskih prava i napadima na civile i da prenese svoje ovlasti na potpredsjednika.

Krvavi dan

Posmatrači u Siriji izjavili su da je u četvrtak u ovoj zemlji u sukobima poginula najmanje 41 osoba, nakon što su sirijske snage sigurnosti nastavile ofanzivu na centre antivladinih protesta. U centralnoj provinciji Hama poginulo je 18 ljudi, dok su četiri osobe stradale u gradu Dara, na jugu zemlje. Sirijske snage sigurnosti ubile su u četvrtak 19 ljudi u provinciji Idlib, od kojih su 11 članovi jedne porodice, saopćila je sirijska organizacija za ljudska prava. "Snage sigurnosti su izvršile masakr u napadu u dolini Sal Eruj, gdje se nalazi nekoliko sela, i ubile 19 ljudi, od kojih su 11 članovi jedne porodice", rekao je direktor Organizacije za ljudska prava Rami Abdel Rahman za AFP.

Sirijske snage sigurnosti bile su u četvrtak 19 ljudi u provinciji Idlib, od kojih su 11 članovi jedne porodice.

Ova tragedija se dogodila kada su snage lojalne sirijskom predsedniku Basharu al-Assadu napale sela Hila, Sankara i Bansakul, istočno od grada Jisr al-Šugur, kazao je on.

Izvor: Al Jazeera